

河內縣志叙

夫志者識乎識田賦戶役城池  
軍伍廟署以存

國制識名賢俗尚節孝執文以  
示勸進識山川墓陵村落津梁  
以備考實邑登於郡郡登於省  
省登於統志

國家有大纂脩則樵採列邑以  
成大典職要職詳然非詳無以  
歸要蓋其係哉以故世無不志  
之邑無志者獨河內彼為其附  
郡部其地郡轄地其民郡轄民  
凡當志者郡業總之矣然則他  
外屬非總於郡乎志何斬然也

無志是無河內以故縮邑者深  
思之而前令解州侯公實叛為  
之考索故典羅網逸聞以其事  
屬孝廉王君次第成書適侯以  
故去役遂中輟不佞始至而控  
惚焉蓋二年而始討舊事以終  
盛舉王君亦捉筆構思旁搜博

採秉公直以成一乘蓋又更期  
年而始脫草劓劓畢役河內於  
是乎有志志成於是乎有河內  
矣王君捧諸荐紳先生命群父  
老子弟輩必以序於不佞不佞  
復何言夫不佞非敢為志也仍  
前政之舊以成其美無亦為侯  
公與予同意念茲舉大木者前  
呼邪許後必和之裁割製置數  
手乃成事莫難于翫始而成就  
者半矧邑乘大物不佞敢貪為  
已功則不佞何言不佞覩河內  
枕山扼河據孟津之上昔人謂  
太行孟門之險聞於河北司馬

晉諸賢接轂比肩遺踪尚在節  
俠孝義代不絕人地重人豪豈  
不稱雄今其山川如故也分野  
如故也

皇代建置規模弘遠諸城堡官師  
戎政品目色色夔別前代文學  
繁興人材駸駸向盛簡帙增輝

而區區所僭陳於荐紳先生洎  
父老子弟者則惟曰風俗隨世  
人為地重毋以地為人重其自  
今敦好尚景行前休出賦稅以  
急公上使此地人文視昔有加  
淳風從前不減其宣洩

皇猷鳴國家之盛以無空斯志則

不佞與王君之所大幸者也是  
為叙

萬曆二十五年歲在丁酉春二

月望日

賜進士出身知河內縣事洪洞盧

夢麟撰

目錄

卷之一

圖考

沿革表

天文志

地里志

建置志

卷之二

田賦志



祀典志

職官年表

科貢年表

卷之三

名宦列傳

人物列傳

卷之四

藝文志

目錄

志例

一圖考自疆域公署外若書所紀單懷底績禹之明德遠矣境內迺漫無題識故特繪之

一沿革書省府者濟所隸也其曾置邑于境內而後廢者亦并載之

一風俗并書媿惡者以告觀風而寓勸戒云

一建置載侯王世系者以邑為藩祿所自出

一縣署惟書某年建而學校則詳書某年某公校

以縣為錢穀之司勢可自便而留心學校振作里

起者其雅尚可懷也

一文廟亦祀典學校亦公署而必特書者以重道崇儒教化所錄成而世道所倚毗也

一楯樾姓名有不載科第類者以邑屬附郭例有總坊兼外邑而標之弗可遺也

一集中惟紀大體如他志歲時街巷物產之類煩瑣蕪穢皆削

一貢賦各項倉口俱係布政司原發糧單知縣侯公加采所據以條鞭着廛催徵之定額也故詳載之以杜里書加派之弊

一職官惟國朝備書前代不祇遍考間有繙閱所及亦惟名賢則書如西漢張朔令野王貪殘不道匿其兄常侍讓合柱中竟為元禮所誅者黜而弗錄思汗簡策也

一科貢有民籍入府庠及軍校入邑庠者且同開而居皆地方才也故并書之

一科貢係祖孫父子兄弟必書見箕裘之業奕世彌昌閎閎之家前徽未遠美彰盛傳以示勸耳

一歷宦必書致仕者以完名全節高風可企也

一名宦惟離任則書以其宦成人物惟即世則書以其論定即孝子節婦有見存者亦經當道表揚確可據餘弗敢擅入即任怨亦不恤云

一府志所載孝子中一人稽之輿情皆致不滿故特削之以公論不可掩也

一孝道匪細而民間類以割股當之余按唐時陳藏器着本草拾遺謂人肉治羸自是人子于親疾各割股而進未有以一指之大便是格天愈親者予

扁所以彰勸寧堪雷憲哉故集中于此類皆覈其素而削之即廬墓者亦詳其瑩中所為非漫錄也一各段有不盡之意及地方利弊當興祛者僭附數語極知謬妄然畧之則悔與其悔也寧妄故不自媿于不文

一藝文惟取其有關風化及地方要務名賢足重者餘雖工弗錄若府志既有者皆弗重載

一載 誥勅者重 王言榮 恩賜也

一載諸奏疏及移文之類者見邑賦重民受荼苦非



河內縣志卷之一  
一朝夕深望當事者憐此窮民為之調停且以識

諸公為民雅意

一集中借書名諱者存實錄也

河內縣志卷之一

前任知縣解州侯加采 校閱

今任知縣洪洞盧夢麟 校刊

邑舉 人王所用纂修

圖考

疆域圖  
儒學圖

城池圖  
大禹覃懷底績圖

縣署圖  
文廟圖

古大司空圖輿地絕郡國事故漢高入咸陽賴鄴  
侯先收圖籍得知阨塞圖之所係如此邑即壤地  
褊小令不睹險易遐邇之狀何以相宜而為理乎  
乃繪如左方庶幾坐馳萬景如示諸斯矣志圖考


疆域總圖

東至武陟縣界六里

北至山西澤州界十六里


南至孟縣界十三里

西至濟源縣界三十五里




城池圖

成



縣署圖

文廟儒學圖



房樓

典史

典史

典史

典史

典史

典史

典史

典史

典史

典史

典史

典史

典史

典史

典史

典史

典史

典史

訓導東宅

教習祠

教習祠

明倫堂

先賢殿

訓導西宅

典史

典史

典史

典史

典史

大禹覃懷底績圖



按書傳治河  
自下而故來  
自東考四載  
陸行故乘車

沿革表

○古稱異世不相沿。繇唐洎今，張弛損益之故，代自為法。豈以畫圻井邑，無變稱哉！士居邑屋而不悉所從來，何以異于日用不知之民乎？爰撫群籍，以究原本，作沿革表。

歷代總部

郡

邑

唐 冀州

虞 冀州

夏 冀州

商 冀州紂為畿內地

周 東都畿內

邠國

春秋 晉

戰國 魏 衛

秦

三川郡北境  
河東郡東境

漢 司隸

殷國

河內郡

東漢 司隸

河內郡

三國 魏 冀州

晉 司州

南宋 司州

後魏 司州

河內郡

河內郡

河內郡

武德郡

野王

野王

武德始皇東巡置自武德定天下

平壁

武德

野王

武德

波

野王

野王

野王

野王

野王

東魏

北齊司州

後周冀州

隋冀州

唐河北道

懷州

級郡

懷州

河內郡

懷州

河內郡

懷州

初置懷州治野王城天寶初改為河內郡乾元初復為懷州武德二年改安昌為武德縣武德四年皆省入河內縣

紫陵

忠義

太行

武德以下俱在野王境內後廢

野王

河內縣

安昌

邢丘俱在河內境內後廢

河內縣

五代

宋河北路

河內郡防禦

河內縣

懷州



金河北西路

南懷州

河內縣

沁南軍節度

懷州

初仍宋河內郡防禦天會六年  
以與臨黃府懷州同加南字仍  
置沁南軍節度使天德三年去  
南字皇統三年閏四月置黃沁  
河堤都大勾管司大定五年置  
行元帥府興定五年置招撫司

元燕南河北道

懷州

河內縣

懷孟州

懷孟路

懷慶路

初為懷州太宗四年行懷孟州  
事憲宗六年世祖在潛邸以懷  
孟二州為湯沐邑七年改懷孟  
路總管府至元年以懷孟路  
隸彰德路二年復以懷孟為  
一路延祐六年以仁  
宗潛邸改懷慶路

皇明河南中書行省懷慶府

河內縣

布政使司

分巡河北道

分守河北道

附部編戶一百  
二十九里後併為九  
為八十三里今復併

初分巡駐懷慶  
嘉靖四十年  
巡撫秦改分  
巡於磁州  
分守駐懷慶  
遂為定例云

天文志

星野并圖


星次占驗

祥異附

星野

○周禮保章氏以星土辨九州占候禋祥各以類應  
焉河內古冀衛之域著矣至分野之說每相為牴  
牾一室壁也有以自危十七度至奎四度者有以  
自危十三度終奎一度者有以自危十度至壁八  
度者夫漢書謂每度二千九百三十二里是動以  
萬里舛也余廼遍採諸家互存以備參考併衛分  
之圖繫之俟學究天人者為之折衷矣志星野




室壁衛分圖



衛輝府 彰德府 磁州



壁宿 宿



懷慶府

室宿之屬為離宮為土功吏為騰蛇為雷電為壘壁

陳為羽林軍為斧鉞為北落師門為天綱為八魁

壁宿之屬為雲雨為霹靂為天廡為鐵鑕為土工土工星按

宋史少占驗天王會通云土工勅役之民也義成與室屬土工吏同

黃帝分星次自危十七度至奎四度曰豕韋之次一

名娵訾於辰在亥謂之大淵獻於律為太簇斗建

在寅今衛分野

史記衛地營室東壁之分壄今之東郡及魏郡之黎

陽河內之野王朝歌皆衛分也

前漢書地理志衛地營室東壁之分壄也

後漢書自危十度至壁八度謂豕韋之次立春驚蟄

居之衛之分野

晉天文志河東入張一度覃懷在秦時屬河東郡之東境

河內入張九度覃懷在漢時屬河內郡

東郡入角一度覃懷在漢時屬東郡

自危十六度至奎四度為陬訾於辰在亥衛之分野

屬并州

營室東壁衛并州

河內縣志卷之二

按晉天文志謂自危至奎為娵訾於辰在亥衛之分野也屬并州夫衛受封河內為冀州漢屬司隸境內郡邑與并州全不相涉而并州之下所列郡名迺安定天水隴西酒泉張掖金城武威敦煌國都自繫涼州耳殊為謬亂今并載之

隋地里志冀州古堯之地舜分州為十二冀州析置

幽并其於天文自胃七度至畢廿一度為大梁屬冀州自尾十度至南斗十一度為析本屬幽州自危十六度至奎四度為娵訾屬并州自柳九度至張十六度為鶡火屬三河則河內河東也准之星次本皆冀州之域帝居所在故其界尤大至夏廢幽并入焉得唐之舊矣

唐天文志營室東壁陬訾也初危十三度餘二千九百二十六秋一太中營室十二度終奎一度自王屋太行而東得河內至北紀之東隅北負彰鄴自河濟之交涉滎波濱濟水而東得東郡之地古邙鄴衛凡胙邗雍共微南燕昆吾豕鬲之國自閣道王良至東壁在豕鬲為上流當河內及彰鄴之南得山河之會為離宮又循河濟而東接玄枵為營室之分

十月陰氣進踰乾維始上達于天雲漢至營室東壁  
間升氣悉究與內規相接故自南正達于西正得  
雲漢升氣為山河上流自北正達于東正得雲漢  
降氣為山河下流陬訾在雲漢赫降中居水行正  
位故其分野當中州河濟間丑王良閣道由紫垣  
絕漢抵營室上帝離宮也內接成周河內皆豕鬻  
分

唐地里志河北道蓋古幽冀二州之境孟懷澶衛及  
魏博相之南境為陬訾

大明一統志禹貢冀州覃懷之地天文室壁分野  
皇明清類分野書澶懷衛相皆衛分也天文星指室  
壁

文獻通考營室東壁衛分壁兼得魏宋齊趙之交

星次占驗

室宿二星十七度天子之宮也一曰玄宮一曰清廟  
又為軍糧之府主土功一曰營室一星為天子宮  
一星為太廟為王者三軍之廩故置羽林以衛又  
為離宮閣道故有離宮六星在其側一曰定室詩

曰定之方中是也星明國昌不明而小祠祀鬼神  
不享國有疾疫動則有土功兵出野

按漢永元銅儀營室十八度唐開元游儀廿六度  
舊去極八十五度景祐則驗室十六度距南星法  
極八十五度在赤道外六度五  
代史赤道宿次又云十六度

雷電六星在室南明動則雷電作

離宮六星兩兩相對夾附室宿上星天子之別宮也

主隱藏止息之所動搖為土功不具天子憂

壘壁陣十二星

一作壁壘

在羽林北羽林之垣壘主天軍

營星明國安移動兵起

騰蛇二十二星在室宿北主水蟲居河濱明而微國

安移向南則旱向北大水彗孛犯之水道不通客

星犯水物不成

土功吏二星在壁宿南一曰在危東北主營造宮室

起土之官動搖則版築事起

北落師門一星在羽林軍南北宿在北方落者天軍

之番落也師門猶軍門長安城北門曰北落門象

此也主非常以候兵星明大安徵小芒角有大兵

起

八魁九星在北落東南主捕張禽獸之官也客彗入  
多盜賊兵起太白熒惑入守占同

天綱一星在北落西南一曰在危南主武帳宮舍天  
子游獵所會客彗入為兵起

羽林軍四十五星三三而聚散出壘壁之南一曰在

營室之南東西布列北第一行主天軍軍騎翼衛  
之象星衆則國安稀則兵動羽林中無星則兵盡

出天下

亂漢書曰虛南有衆星曰羽林天軍宋均曰虛危營室陰陽終始之處際會之間

恒多姦邪故設羽林為軍衛

斧鉞三星在北落師門東芟刈之具也主斬芻稊以

飼牛馬明則牛馬肥腴動槌而暗或不見牛馬死

隋志通志皆在八魁西北主行誅拒難斬伐姦謀

明大用兵將憂暗則不用移動兵起

壁宿二星九度下九尺為天之中道主文章天下圖

書之秘府也大則王者興道術行國多君子星失

色大小不同王者好武經術不用圖書隱親黨回

邪用星動則有土功離徙就聚為田宅事

按漢永元銅儀東壁二星九度舊去極八十六度景祐測驗壁二星九度距南星去極八十五度



按天王會通壁天下圖書之秘府自室至婁天子之宮館苑囿在鳥所以待客講武遊觀之所皆不可缺而亦不可溺者也有壁在焉所以崇文德天象不旣昭昭矣乎

天廡十星在東壁之北主馬之官若今驛亭也主傳令置驛逐漏馳驚謂其急疾與畧競馳也月犯之兵馬歸彗星入馬廐火客星入馬出行流星入天

下有驚

霹靂五星在雲雨北一曰在雷電南一曰在土功西主陽太盛擊碎萬物與五星合有霹靂之應

雲雨四星在雷電東一云在霹靂南主雨澤成萬物星明則多雨水辰星守之有大水一占主陰謀殺事孳生萬物

鐵鑕五星在天倉西南川具也主斬芻飼牛馬明則牛馬肥微暗則牛馬饑餓

祥異

災祥之說春秋而下史備書焉蓋召和召異實錄人事豈曰天行書稱王省歲卿省月師尹日警戒之義重矣彼祀冢而雨零言善而蝗徙一長吏猶然况上焉者乎志祥異

漢永元八年五月河內蝗 漢武帝建元六年河

失火延燒千餘家上使汲黯往視因過河南矯詔

發粟以賑貧者 後漢建武十五年正月丁未彗

星見昴稍西北行入營室犯離宮二月乙未至東

壁滅見四十九日 永建四年六月淫雨傷稼

桓帝延禧七年六月十二日河內野王山上有龍

死長可數十丈 表山松書曰長可數百丈 靈帝建寧三年春

河內婦食其夫

晉泰始七年六月大霖雨河沁皆溢民舍秋禾多淺

咸寧四年冀豫諸郡螟七月大水 泰康元年

四月河北雨雪傷麥 二年三月河內雨雪傷禾

北齊天寶八年河北蝗

隋文帝仁壽二年河北大水

唐高宗永徽五年六月河北大水 顯慶五年春河

北旱 儀鳳二年河北旱 永慶元年九月河北

大水 神龍元年七月河北大水 三年五月河

北旱 玄宗開元三年河北蝗 十五年牛大疫

貞元元年春河北饑斗粟千錢死者相枕 十

年七月懷州奏獲白鵲二 十二年懷州鷓鴣巢

內黃鵠往來哺食 咸通十一年夏雉集河內縣

署 文宗開成二年秋河北蝗

五代梁天成二年五月懷州進白鵲

周廣順二年河北諸州旬日無鳥

宋太祖建隆二年河北大旱 七年懷州蝗生 乾

德二年河北蝗 七年河決懷州 開寶六年河

決 太宗興國三年五月懷州河決 真宗乾興

七年河北大水 仁宗明道二年河北蝗 三年

河北雨赤雪 嘉祐元年六月河北大水 六年

三月癸巳火犯木在營室 英宗治平七年懷州

大雨黃沁二河溢 神宗熙寧五年河北蝗 九

年八月河北旱 哲宗元祐四年春河北地震

八年大水 元符元年河北大水

皇明成化十八年沁河溢 二十年大饑 弘治六

年正月有大星殞光芒燭地其年冬大雪深丈餘

十一年斗粟十錢 嘉靖三年五星聚於營室

七年大饑 八年蝗蝻生 九年產瑞麥瑞瓜

嘉禾 十六年沁河泛漲 十八年蝗蝻生 二

十六年木星逆行流營室 三十三年大疫秋七

月產嘉穀 三十四年十二月地震 三十五年

六月沁河溢 隆慶三年大水 萬曆八年蝗

十四年秋霖四十餘日沁水大舉壩堤知縣黃公

中色昌兩督夫障築僅保無恙 十五年三月地

震屋宇動搖夏城河荷花並蒂是歲大旱 十六

年大饑大疫死者枕籍城野人相食上遣戶部郎

中胡公士鰲發臨清米及內帑銀以賑 二十

年城西十三里地忽湧泉數日土潰約丈餘虔誠

禱之水可療病遠近取者如市鄉民因而朔廟

二十三年旱自春正月至六月十九日雨 二十

四年大旱蝗蝻生四月水雹有大如鷄卵者傷禾

及人

地里志

疆域

水疆域

形勝里社

古蹟鎮店

景致物產

開津橋梁風俗

語傳有分土無分民夫畫疆而守之有邦本焉今天下一家統轄分理若犬牙繡錯可不謂盛哉天行災沴刑賦繁苛彼訶碩鼠而卽鴻雁者肩相摩也夫如是卽幅員廣袤將焉守之故曰城民不以封疆之界志疆域

縣係懷慶府屬附部在省城西北三百里自縣治東北陸路一千六百里達于

京師東南陸水路一千六百里抵南京廣九十里袤九十五里東至武陟縣界六十里西至濟源縣界三十五里南至孟縣界三十里北至山西澤州界六十里

形勝

國于天地必有與立。文稱望景，宣取秩幽，豈直以形勢重哉。邑帶沁瞻行，山川相鬱，蔚為一方之望。意清淑所鍾，當有明秀之士，奮為時宗者。夫不稱人傑，奚取地靈。生斯土者，懋之哉。志形勝。

涑水出乎其西，淇水出乎其東。

書傳

帶河為固，北連上黨，南迫洛陽。

漢書寇恂傳

帶河為固，舟車都會。山州延袤，雄跨衛孟。北隣於澤，南至于溫。東帶沁河，西連汎水。南據虎牢，北倚太

行地勢平曠。

大明一統志

太行北峙，沁水東流。近帶黃河，遠挹伊洛。舟車都會

踰稱陸海。

舊郡志

太行山

行字漢書師古曰音胡即反山在縣北二十里西自濟源經河內而東北紆迴綿亘數千里直至于燕蓋王氣所鍾天為燕都而設余嘗遊觀此山為行勢非突兀萃嶸昇峙一者曰太行

其有取耶中間峯谷巖洞景物萬方山在縣北四十里山勢

狀雖各因地立名總之皆太行云在縣北六十

方正如孤山在縣北五十里山巖旋繞

凡十二馬頭山在縣西北四十里其

迴故名三尖山在縣西北四十里其

柏瀆巖谷間有寺名寶光高在縣東北五

峻朗豁可以登眺亦勝築云金傘山在縣東北五

壁萃崱栢山在縣東北六十里其

可愛里山谷深邃雲青山在縣東北六十

氣氤氳故名鳳凰山在縣東北六十

紅巔山藥僊山俱在縣西

沁河在縣北二里源出山西沁州綿山穿太行經濟

建官亭一所守堤堡二所

用曰沁水河內一巨浸也然水流湍駛而瀕城通

駛則善鬻而邇則為害也剝膚約中流地可齊城

末大決所犯勢若建瓴蓋害之無形而最大者遠

者末稽即如父老稱說正嘉中其為災蓋數數矣

北據上游而南則築土禦之東西二堤直當

之衝先時經理猶可為力秋霖泛溢兩涯之間

浚泐拜有拱手聽漬徼天幸已耳惡得與洪濤爭

也萬曆十七年貳守劉公應聘增脩隄防躬櫟春

鍾以督之工成雲橫山峙密植柳樹今已成林年  
來恃以無虞然蒸水流稍緩之時相民力務閑之  
候葺之使固培而加廣庶藩封士庶弁冕端委  
安居樂業永無為魚之患昔文潞公謂決溢非天  
災則當事者惡可視此為迂而無當也

丹河

在縣東北十里源出澤州界內穿太行名曰丹河  
河口唐開元十一年改名懷水南流三十里入

於堯河在縣西北  
二十里

古蹟

○君子尚論古昔每樂得遺蹟一諦觀之蓋其人往

矣故址猶存可攷而知也然人與代更物隨時變  
卽賢詰廬舍行遊之基鞠為茂草而引手寓目猶  
令人低徊留之不能去其所感發不既多乎志古  
蹟

邗

在城西北三十里古邗國周武王子所封左傳  
曰邗晉應韓武之穆也今為邗臺村史記曰紂

以文王九侯鄂侯為三公徐期城在城西三十里  
廣正鄂一作邗武王子封也其城左傳王與鄭隰

城卽此今付遠城在城西傳王與鄭紆卽此  
名覆背村

城在城東南六十里漢成帝封張禹巨樓在縣  
城為安昌侯卽此隋亦有此縣唐省巨樓

子郭巨建射犬聚漢書云世祖破青武德城在城  
東



五十里後魏置武德郡隋廢郡改太行城在城東北  
縣曰邢丘唐改曰武德宋廢為鎮在城東北四十  
里唐初置紫陵城在城西北三十里唐初  
縣尋廢在城西南三十里唐初碗子城在城北太行山其  
置縣尋廢今為崇義鎮在城北太行山其  
平地僅一畝許唐初築城以控驪在城東  
慶澤州之衝其城圓而小故名在城東  
西金城在城東大臺在城內漢光武遣將  
在縣東北三十里沁水北岍金時張旨宅在城內  
官寮宴遊之地有石圖本今廢在城內  
旨李氏直龍圖閣初旨遊學數年不還家人欲嫁其  
妻李氏守節而死遂以名坊今廢旨及李氏俱見

人物  
列傳  
景致

○登高而賦可以為大夫邑雖無佳山巖水足以恣  
遊發藻而稱一方之勝槩者舊傳有八即文人韻  
士多寄品題地且以人重矣何可湮也志景致

太行疊翠在縣北三十里

濟水拖藍水西自濟源由縣西北入穿流城中自東  
輿家謂若人周身之脉亦當疏濬云

興隆避暑即興隆寺其址高敞與城齊可以避暑  
舊係元仁宗潛邸故雙砌間多雕龍云

水峪藏春即太行山內水峪寺

寶塔晨烟塔在縣署東天寧寺高可數  
仞舊傳其顛烟霧時出故名

金壇夕照

卽紫金壇日夕山景最佳故名

明月松林

卽寶光寺其山名明月植柏遍巖谷而舊名松林今仍之

許良竹塢

在縣北三十里許良村地多水竹最稱清幽

### 關津

夫稽察非常以謹徃來國之關隘家之關闕也俱守無章踰令不肅至有四封而不能詰民受其蠹矣志關津

大斛關

在縣北太行山唐置碗子城關在縣北太行山

### 橋梁

先王之制曰雨畢除道水涸成梁凡以節民力而導利焉故乘輿示惠公僑見譏苟非信而後勞厲已之怨與矣司役使之任者無亦監於澤門之哲哉志橋梁

舉僂橋

在城內縣署西舊傳橋成時適邑人謝景修昇僂故名

利津橋

在城內西街

覽勝橋

在城內北街

指方橋

在城內東街

沁河橋

在縣北二里每歲孟冬修

築其費徵派民間萬曆十年本府知府朱公期至請以易米之存留者修橋節省甚多民大德之

丹河橋

在縣北十里

### 水利

○聞太和之世雨暘時若自旱魃煽虐而水利重矣  
要之沃焦赤以澧潤發枯稊而華滋民命賴焉秉  
政者安可令壅閼而不為之利導也志水利

弘治間鄉民張志奏於城西北六十里開五龍口置  
閘分沁水經城東南復入於沁灌田數千頃民甚  
利焉萬曆十四年知縣黃公中色設處工銀百兩  
重濬二十四年春利人等河歲久淤塞同知鄭公  
道與督縣丞趙君宗鼎起夫疏濬是歲大旱凡瀕  
河之地露灌漑者遂享有秋民大德之

利人河

自濟源縣枋山五龍口開渠引沁水入河內  
經城西北至東關閘口復入于沁初鄉官

副使吳道寧因廣濟河通塞不時相度地勢倡議  
創開北河淮免本家夫役碑文可考支河曰許村

南紅下三堰河南辛村西通濟河自濟源縣程村分  
堰河南尋西南二堰河利人河水流至尚

香鎮復入于沁初誥贈郎中蕭鸞用價支堰河自  
置買河口淮免本家夫役府卷可考

縣西七里北分通濟河豐稔河自濟源縣枋山五  
水流至古澗村入於沁

流至崇義鎮校入溲河千倉河自濟源縣濟瀆池  
支河曰樊家莊南堰河

穿流城中由東關閘口入于沁

以上係城南河

上秦河自丹河取水尾小丹河自丹河取水三郭

河

自丹河取水  
尾投不欄河

董下河

白古河

不欄河

老武河

俱係丹河取  
水尾投沁河

以上係萬北東河

太保河

張金河

俱係丹河取  
水尾投沁河

陳添河

鄆魯河

流澇河

花園河

俱係丹河上流取  
水尾復入丹河

以上係萬北中河

上清河

下清河北渠

俱係丹河取水  
尾投康濟河

中泗河

自丹河取水  
尾投廣濟民河

下清河南渠

康濟河

秘澗河

廣濟民河

俱係丹河取  
水尾投沁河

以上係萬北西河

○用曰按河內之地北枕太行無深源廣澮以備蓄

洩故十年七旱一雨卽潦往牒所稱可攷也計得

籍水利溉田者萬南北什之七利上下什之五寬

崇什之二三餘則涓滴所不逮焉雨暘時則有秋

不時則無秋秋則僅僅爲生無秋卽不死而亦糊

口于四方稱重困已况霑水利者亦澤有限而不

能遍譬言之炊之人一而食之人百豪強且爲之兼

併編戶之家尚不得望染指矧充腹耶又有茂法  
巨奸肆爲攬越甘心抵罪曰是害無幾而利百之  
矣以余耳目睹記太守趙公以康貳守劉公應聘  
重軫民瘼必計畝罰穀入倉備賑且時歷阡陌以  
覈其實頗任勞怨故澤得均霑細民稱便云

### 里社

里社之立即古比閭族黨然古也睦而今也睽古  
也友助扶持而今也侵奪傾軋豈氣運之代遷抑  
人情之遞變入疆問俗慨然有淳龐之思焉按籍

而思比隣之雅以崇厚道敦古誼端有望於鄉之  
君子志里社

### 在城五圖

- 一圖
- 二圖
- 三圖
- 四圖
- 五圖

### 萬北鄉八圖

東中道 上莊 下莊 蘇家寨 西吳村 辛莊

岱家嶺 南道 晏家店 唐家莊 栗家莊 陳范村

萬安村 崔家莊 大梨園 下水磨 許良 監董莊

### 萬南鄉八圖

樂村 祭村 張店 東馬 西馬 作里

東南村 磨頭 柳莊 車店 梭莊 泰保莊

牛家莊 膳粉莊 董莊 四溝 李生 張干

王堡 陳村 界溝 大閘 小閘 西王賀

張村 任村 孝敬 留村 蔣村

清上鄉十圖

歸儀 馮蓬 小尚 李封 水運 酒封

上屯 其城 栢山 上院 漢高城 中道

南岳 馬營 七方 清化鎮 八圖 九圖

十圖

清下鄉十三圖

張武 張茹 五倉寨 劉村 白馬溝 善臺

尋村 良士 南里 內都 東禱 水屯

趙部 北里 碑子里 孟家保 鍾離村 金城

丘村 馬營 鄔莊 諸營 齊村 官莊

卜昌 蘓家作 槐子屯 楊義 石澗 遠村

賀村 西尚 聶村 唐村 盜舖

利上鄉七圖

馬坡村 路村 孔村 古張村 廣里作 王贊  
保芳村 南新 北新 東鄉 葛村 覆背  
新村 司馬村 冢作 韓村 鄭村 上碾  
西張村 王曲 楊林 武冢作 清平村

利下鄉十二圖

北釜村 楊花 義河 閭家斜 官莊 大節寨  
新店 宝莊 于家坡 馬家莊 萬善鎮 景明  
邗臺 董甫村 東向 西向 南向 程掌  
義莊 南作 紫陵 趙寨 宋寨 窰頭

崇上鄉六圖

常樂 魯村 清河 高村 解注 清泉  
倍澗 魏村 沁陽 西萬作 義合村 和尚莊

崇舖 閭莊 興福 亢村 徐澗 陳伯莊  
南冷 北冷 西冷 保封 馮藺 蘓王  
武德鎮

崇下鄉八圖

護城 南村 武莊 五王 啟事村 辛王  
住村 馬舖 仲賢 王召 祝策 馮翊

古澗 金陵 賈村 土坯 劉半 木樓

感化 劉寨 嵩舖 藍扈 柿園 平城

申召 二節廟

寬平鄉六圖

檀香鎮 宋莊 史村 小王 海子重 王亮

大衛 小衛 馮橋 張留 寺張 崇義舖

山村 小召 楊鄉 張莊 文里 大王

兩水 大召 葛萬村 李村 范村 韓吳

趙村 楊村 曲溝 董村

○用曰按昔河內鄉村絡繹鷄犬聲聞亦稱與區已數年以來水旱頻仍民鮮管而苦賦重各村有毀鬻房屋狼狽不堪觀者有產盡人徙蕩爲丘墟者名雖臚列然非其初矣行阡陌間殊令人動今昔之感則夫還定安集于仁人君子有厚期焉

鎮店

○邑自闔都外居民林總之處有四間有廢舊縣而城社遺址猶有存者今名曰鎮貿易輻輳市井駢闐非落落數家村比也志鎮店



清化鎮

在城東北四十里中有孔子廟稅課局推官潘公崇築城萬曆二十四年知縣盧公夢麟

重栢香鎮

在城西三十里尚香鎮在城東三十里崇義鎮在城西

里唐初置忠義縣尋廢今為鎮

武德鎮

在城東南四十里後魏置武德郡隋廢郡改縣曰邢

丘唐改曰武德縣宋廢為鎮

邳臺鎮

即邳城在城西北二十里

十里中有驛所舊名萬惡村當事者忌惡字以善易之

物產

淮南子謂枳橘以淮異鵠鴝不踰濟形性不可易

勢居不可移也故辨方物以任土作貢禹貢詳於

其言之矣邑僻在行山之陽非有吳楚閩越之饒

絲泉丹漆魚鹽瑇瑁之湊稱地道所敏僅僅數種

且以無年而彫耗他可知已特為著之聊以見土

之所宜其與四方同者弗贅志物產

地黃

山藥

牛膝

紫苑

俱出北

竹

出萬北

風俗

禹貢稽山川而不稽風俗謂觀摩漸染存乎下轉

移化導存乎上耳故風行草偃譬之染絲上無以

制其命乃惟俗之罪於是乎任其流而莫可底止

故曰一質一文時物之變也人亦有言移風易俗

河內縣志 卷之二  
使人回心嚮道非俗吏所能何乃咎風土哉志風俗

漢書地理志河內之地險要富實其俗朴野易治服寇恂平易之化熙熙向風不靡不暴

其俗剛武尚氣力漢興二千石治者亦以殺戮為威其失頗奢靡嫁娶送死過度而野王好氣任俠有濮上風

康叔之風歇而紂之化猶存故俗剛強多豪傑相侵

奪薄恩禮好生分

漢書師古曰生分謂父母在而昆弟不同財產

隋地理志汲郡河內得殷之故壤考之舊說有紂之餘教故漢之官人得以便宜從事其多行殺戮本以此焉今風俗頗移皆向於禮矣

元地理志風土得四方之正是以習俗好尚奢儉得中

大明一統志奢儉得中好性理崇禮義興淳儉之化息崇侈之習人淳事簡

河南通志覃懷質直

舊郡志民多敦本好學力耕桑而鄙販鬻尚清淡而

多壽考

劉健文廟記其地負山面河土曠民淳

○用曰按邑北枕太行迤邐而東聯衛入鄴南通秦蜀襟喉不甚衝亦不甚僻間之父老嘉靖初葉民間交際服奉尚存古風而後漸靡也細民下走至有周身之用多于蓋藏之需僭靡已極獨里中遠城市者短帽深衣啞言質行稍稍近古而人耻效之已夫質文遞變繁約異趨默生于人心之好尚而顯關乎地方之風俗窮富內皆然寧論萁爾邑哉繇此言之雖百世可知也晉傅咸有言奢侈之費甚于天災矧重以水旱相仍財匱民貧所從來矣嗚呼躬率禁令以德以位有司者可以江河之說重誣之耶

建置志

藩封  
植樹

城池

公署

學校

儲卹

藩封

我

國家長發之祥培植深厚故分茅周親綿綿繩繩何其盛也且慕義崇文奮為時光宗子維城鞏祚磐石無疆之休從可徵矣志藩封

鄭府

大宗世系

永樂二十二年

仁宗昭皇帝冊封第二子爲鄭王宣德四年之國陝西鳳翔府正統九年遷國河南懷慶府府第居城中以懷慶衛改爲之至正德七年奏

請重修萬曆六年恭王復奏請重修

初封鄭靖王

兩地在國凡三十八年至成化二年薨四子世子襲封卽簡王餘三子皆受封而絕世曰新平懷僖王曰涇陽安靖王曰朝邑榮簡王

再傳鄭簡王

靖王世子天順元年冊封成化四年襲爵在國凡二十八年至弘治八年薨十二子未名而殤者二位第二子第六子也已封而絕世者五位第五子河陽懷簡王第七子信陽悼懷王第八子宜童懷順王第十一子丹陽靖和王第十二子真丘榮隱王傳世者五位第三子第四子第九子第十子詳見小宗世系第一子以天順六年封爲世子至成化十五年未襲爵而薨至弘治十一年追封鄭僖王有子封爲世孫卽康王

三傳鄭康王

簡王世孫世子之子成化二十年封世子弘治十年襲祖爵鄭王在國凡十一年至正德二年薨無嗣以東垣王襲爵

四傳鄭懿王

簡王第四子東垣端惠王之子也正德元年襲封東垣王正德二年康王薨無嗣時二支早殤三支革爵至正德四年進封王為鄭王在國三年至正德六年薨四子第二子第三子早殤庶長子仍襲

東垣王詳見小宗世系嫡四子襲鄭王

五傳鄭恭王

懿王嫡四子嘉靖六年襲封在國二十三年至嘉靖二十九年革爵謫發至隆慶元年還國至萬曆十九年薨除謫鳳陽凡在國四十八年四子第三子未名而殤第四子封崇德王未出府而薨謚恭簡第二子詳見小宗世系第一子嘉靖二十五年冊封為世子孫一萬曆年封為世孫

小宗世系

盟津王

簡王第三子成化十年受封府第在縣署西北成  
化二十二年革爵謫發弘治元年放還正德九年  
卒至嘉靖年間追謚恭懿一子卒二孫支庶人俸  
東垣端惠王

簡王第四子成化十年受封府第在縣署西至弘  
治十六年薨一子進襲鄭王爵詳見大宗世系至  
嘉靖七年追謚端惠爲鄭定王孫東垣榮昭王乃

懿王庶長子例應請封部覆仍用東垣王號遂于  
正德十六年受封嘉靖元年奉

勅管理鄭府事嘉靖六年還政至嘉靖三十八年薨  
生六子一子四子早卒二子於嘉靖二十二年封  
長子四十二年襲爵萬曆二年薨謚康僖三子長  
子襲爵二子三子俱封鎮國將軍

繁昌恭定王

簡王第九子弘治六年受封府第在縣署東北至  
嘉靖十二年薨五子第一第二子殤而未名第三

子封鎮國將軍卒無嗣第四子以嘉靖十六年襲  
封繁昌王爵隆慶六年薨謚榮戾一子萬曆五年  
襲爵

廬江懿簡王

簡王第十子弘治三年受封府第在縣署北嘉靖  
十六年薨五子第一第五子未名而殤第三子四  
子俱封鎮國將軍第二子以嘉靖二十二年襲廬  
江王爵至三十二年奉

勅管理鄭府事至四十三年薨謚曰榮繆三子第一



子以嘉靖三十二年封爲長子萬曆二年襲爵二  
子三子俱封鎮國將軍

德慶恭惠王

恭王第二子嘉靖三十年受封府第在縣署北三  
十三年奉

勅管理鄭府事隆慶元年還政萬曆十  
年薨謚恭

惠一子萬曆二十年襲德慶王爵

### 城池

○城池之關於政要矣。我家不可無藩垣。而况國乎。  
易稱設險。書示勤墉。良重之也。邑西袂函谷。承瓴  
水之勢。思患預防。俾金湯足恃。而樓季不敢犯者。  
計在未雨而徹桑土耳。志城池。

城 屬懷慶府附郭。建于元至正二十二年。國朝

洪武元年重築。設懷慶衛守之外。甃以磚。周圍九  
里一百四十八步。高三丈五尺。廣二丈。門有四。東  
曰映陽。西曰凝暉。南曰迎薰。北曰拱極。門樓四。門

各二重有月城敵樓望敵臺警舖三十九座正德

年間知府倪公顯周公舉重修隆慶二年知府紀

公誠重修萬曆十四年知縣黃公中色改建四城

樓規摹闕敞制度精麗大足壯觀舊傳城為取牛

腸景賢書院池為肚土地祠前小塔為濟水為

池為眼俗呼牛眼池意雖近俚然係傳聞之舊者

池 舊規原深二丈五尺闊五丈後漸壅淤乃至狹

淺知府紀公誠重浚環植柳樹中栽蓮花至今柳

已合抱而蓮特盛萬曆二十一年正月知府詹公

啓東知縣侯公加采出穀令民重浚萬曆二十三

年春推官怡公愉署府事出穀令民補植楊柳千

餘株

### 公署

自父任法覈而仕者視宦舍若蘧廬然夫秩秩翼

翼非養安也欽攸司而慎出令胥此係焉其常且

思之况屋宇乎假令民不見德惟怨是聞登斯堂

也負乘為羞矣詩云相在爾室尚不愧于屋漏省

之哉忘公署

縣署在城東南洪武二年建

大門三間 儀門三間 角門二間 戒石銘坊

一座 正堂五間東西二間 堂東亭三間 堂西

亭三間 後堂三間捲棚三間 東書房三間 西庫三

間貯見收 架閣庫三間 西書房二間 茶房一

間 東司房十三間禮吏戶 西司房十二間兵刑工

譙樓三間 寅賓館三間 衙神祠三間 馬神

祠一間 藥餌房三間 收糧房十間 獄俱二

申明亭 旌善亭各三間 榜房十間知縣侯公

知縣宅在正 縣丞宅在正 主簿宅在正 典史宅在正

東門內

皇明藩封

鄭府在縣北原係懷慶衛舊址改為府第

巡按察院

分守河北道

按察分司俱在縣西北

新察院在縣東

懷慶府在縣西北 懷慶府儒學在縣東

懷慶衛

在縣北

演武場

在城外西南二里許本縣有隨操馬步民壯八十名

驛所附

覃懷馬驛

在城東部

萬善馬驛

在城北二十里舊有萬善所奉文裁革夫牛并

附于驛官亭一所歲久傾頽不堪寄寓知縣盧公夢麟重修

河內遞運所

在城東部

稅課局

在清化鎮

舖舍附

急遞總舖

在縣前南街

東路王召舖

里二十

尚香舖

里三十三家舖

里四十武德鎮舖

里五十西路廣里舖

里十八栢香舖

里三十南路沙崗舖

里二十藍扈舖

義鎮舖

里三十

北路丹河舖

里二十

常樂舖

里三十清化鎮舖

里四十原莊舖

里五十沙丘舖

里三十南路祝策舖

里三十西北路官莊舖

里十萬善舖

里三十長老灣舖

里四十東北

里二十小路界溝舖

里三十朱營舖

里四十車家作舖

學校

○治古之世家塾堂崖戶成可封陵夷輓近儒術既絀焉而治道隆汙係之矣夫士斷斷而不教責在上世明盛而不興責在士故當厲厲之朝而不競

競自奮于道德功業人之稱斯士也者則謂之可  
廟貌雖隆廬舍雖具與三代譽髦異矣志學校

儒學在縣署西洪武十四年知縣陶公晟建正德間

知縣高公傑嘉靖間知縣王公濟民相繼修葺萬

曆二十一年知縣侯公加采重修二十四年知縣

盧公夢麟重修創添屏門一座碑樓二座泮池中

磚橋一座櫺星門外衛以欄楯氣象一新

先師廟五間 東廡十間 西廡十間 戟門三間

櫺星門三間 屏門一座 啟聖祠三間 敬亭三間

儒學齋座 儀門一座 明倫堂五間 東牖三門

西牖三間

教諭宅 在明倫堂後 訓導宅 堂東西各一處

附祭器

鐵香爐四十箇 知縣周公道東鑄 木籩二百八十箇 帛

匣十箇 錫爵二十九箇 鐵花瓶三對 鐵燭

臺二對

按縣庠文廟初未設祭附之府庠知縣周公道東  
添設祭銀伍兩知縣王公象蒙復申請添銀貳拾

兩知縣侯公加采條鞭復議添貳拾兩奉文裁去  
伍兩共派銀肆拾兩遂有專祀云

書院附

鄭府景賢書院

在縣北係奏請  
勅頒其額云

懷仁書院

在縣署西  
萬曆十九

年推官王公如堅改察院爲之堂後初建過廳一  
座觀生亭一座東西書舍四區共十二間後知府

詹公泮東至共成之聚生徒肄業給以廩餼與昌  
黎書院合爲一會仍以郡邑中有學行教官督之

碑記見昌黎書院在縣署西係公廟萬曆十九  
藝文志

堅重修初建儀門一座兩  
廡房二十間居生徒肄業

社學

在縣署北  
各鎮俱有

儲卹

天災流行國家代有嗷嗷待哺誰非吾之赤子乎

儲蓄足恃賑賚多方豈惟是生死而肉骨順天和

培國脉實重賴之司牧者之急務在茲矣志儲卹

豐儲倉

預備倉

俱在縣  
署北

常平倉

在城及各  
鎮俱建

養濟院

漏澤園

俱在縣  
北

楮械

坊牌之建表厥宅里之典也夫科名顯崇行誼踔

絕顯書深刻示之其人通邑大都觀者當有興焉

豈徒曰侈一時之觀美耶志楯楹

萬仞宮牆 師表萬世 德配天地 道冠古今

以上俱在府學文廟前

聖學統宗 在縣學文廟前知縣盧公夢麟創建

玉清勝境 在玉清宮前

旌孝坊 在鄭府前閻太妃建原頌 秘書載藝文志

貞度 肅僚在北察院前

河北首郡 保釐 古懷師帥 俱在府前

儒林 在府學前

魯齋闕里為文正公 許衡立 大宗伯 特恩贈謚俱為文 定公何

立唐兩部亞卿內臺總憲為侍即劉 思問立 同霑寵渥為贈 通政

朝崇議何 朝玉立 牙繡為封御史 劉網立 銀臺亞卿為右通政 何永慶立 兵憲

劉為副使 劉溼立 五馬行春為知府 劉溼立 內翰進士為庶吉士 劉溼立 繡

衣為御史 楊徽立 繡衣為御史 吳 道寧立 牙繡為御史 周道立 盛世醅儒

為鄉賢 委樞立 南宮秦捷為進士 朱裳 何永慶立 濟美為吳維 吳道 寧吳守中立

進士為周 道立 進士為范 安立 進士為吳道 寧立 金榜題名為蕭 守身立

進士為高 薦立 解元為何 塘立 經魁為郝 綰立 昂霄為舉人 張 汝寬立 擢

南為舉人 張鶴立 起鳳為舉人 宗敬立 文光為舉人 萬言立 世科為 陳 斗 為

人王徽王承芳為王蜚英為舉人張聚奎為舉人程大用

文善立張宗三俊為舉人朱裳孫天中人傑為舉人吳

許世道張宗三俊以德何永慶立中原瑞麟為舉人

際時郭明時三鳳為舉人馬之驥董兩河髦士為舉人王所經元

則許宗曾馮祺立兩河髦士為尚贊立經元為舉人王所

文魁為舉人吳遂周金吾承寵為南京錦衣衛都

武進士坊為楊烈女為趙烈女為吳一門雙節為

婦蕭鵬妻葛氏蕭貞節為張繼述貞節為周智妻

拱障妻張氏立貞節為張國士貞節為高氏立

以上俱在城內及四郭間有頌祀及字跡剝落者

知府江公學詩遍加脩飾氣象煥然實盛典云

皇明戚里為駙馬憲臺為王錫命為封知州進士為

世芳東山世家為謝日近天顏為謝守經筵侍臣

為謝守以上俱在清化鎮

夏官為主事奪錦為舉人青雲接武為舉人韓信

徽光為舉人光裕為舉人朱鄉進士為喬

以上俱係昔有而今廢書之備邑中故事且今孝

子慈孫席先澤而蒙故業者動修廢舉墜之念云